

四庫全書

子部

欽定四庫全書

子部

赤水元珠卷二十六

詳校官太醫院恩種_臣孔毓秀

編修_臣倉聖脈覆勘

總校官編修_臣王燕緒

校對官助教_臣卜惟吉

謄錄監生_臣茅琳

欽定四庫全書

赤水元珠卷二十六

明 孫一奎 撰

脫肛門

脫肛乃腸胃有積滯以致濕熱之氣下流蘊於肛門而然也法當推逐其積又或貪坐冷地熱為寒凝結為內痔致每登廁肛即脫下此當從痔而治痔消而肛自收也有泄利日久中氣虛而下陷者宜大補中氣

無為升提從推從補從升皆當省症又有肛上生蟲者予友黃桂峯丈治一人肛出百方不應乃以生豬肚子一具刮下垢物用紗囊盛之罨於肛上一夜次早細蟲不計其數盡叢於囊垢上肛即收入此亦濕熱之所生也

致新湯 治食積腸胃脫肛不時用此消而推之

木香

分二 檳榔

分五 京三棱

醋煨

山查

枳殼

苑仁

各七分

滑石

錢一分五

黃連

吳茱萸製三分

右水煎食前服積甚者遇仙丹下之方見

丹石散 治外痔脫肛如神

黃丹 滑石

等分

右為細末新汲水調塗日三五次愈

瀉腸散 治久痢大腸脫出不收

訶子肉 赤石脂 龍骨

煨

各等分

右為末用茶調肛上絹帛揉入若痢久不止米飲

調服

勝雪膏 治翻花等痔熱痛不可忍或已成瘡

冰片 鉛霜

右為末好酒研成膏塗上即愈

僧磬散

蜜陀僧二錢 枯礬一錢 冰片少許

右為末敷上先用苦參湯或防風荆芥湯洗

苦參湯 治脫肛并痔

枳殼 黃連 大黃 甘草 荆芥 苦參 芍藥

黃芩

各等分

右每五七錢加車前子茅草同煎薰洗

凡腸頭作癢多是有蟲用生艾川棟根煎湯薰洗

赤石脂散 治瀉痢後肛門不收

赤石脂

伏龍肝

等分

右為細末敷肛上

蒲黃散

蒲黃五錢熬猪脂一兩全拌成膏塗肛上

五倍子湯

五倍子一兩煎湯入皮硝薰洗

補中益氣湯加防風桔梗水煎食前服

蜘蛛散

大蜘蛛

鹽泥包裹煨存性為末一錢

鐵銹末三分

右猪膽汁調敷肛妙

又方 鯢頭燒灰敷上

哮喘門

哮喘辨

孫仲子泰來曰哮喘之與喘極須分別疑似之間虛實攸
繫非細務也夫哮喘以聲響名喉中痰盛膠塞肺竅氣
道蹇滯呼吸不暢喉中如水雞之聲故氣高而喘心
熱而煩擡其肩擷其項不能屈體而拾物貼席而伏
枕也原其痰火內鬱外被風寒束其皮腠肺氣為之
不利皆上壅胸喉斯乃有餘之疾雖多日不食亦不
死治惟調氣豁痰解表蓋痰出而聲自寢也顧喘以

氣息言喉中無痰氣促不相接續有虛有實仲景云
汗出如油喘而不休者死故前人治法有補有瀉是
故不可與哮同日而語也

明治哮

哮發之原有三有因驚風之後而得者由治驚不調氣
故痰不盡徹去有感風寒而得者有食醎酸槍喉而
得者然皆不外乎利肺調氣豁痰六字也

麻黃杏子草膏湯 治傷寒發汗後不可更行桂枝湯

汗出而喘無大熱者及下後而喘

麻黃

二兩
去節

杏仁

去皮尖二
十五粒

石膏

四兩

甘草

二兩

右每服三四錢水煎服

蘇合香丸

治哮喘調氣豁痰極效治驚風後而得者尤

佳

大效雄硃化痰丸

治因驚後哮喘逆觸心肺氣急口

張虛煩神困

雄黃 硃砂

蟬退

全蝎

焙

僵蠶

炒

南星

白附

子

炒各一錢

輕粉

五

右為末麵糊為丸麻子大每服二十九薄荷茶清

仕下

九寶湯 治大人小兒素有喘急遇寒暄不常發則連

綿不已哮喘咳嗽夜不得卧

桑白皮 橘紅 大腹皮 紫蘇 杏仁 薄荷

甘草 麻黃 官桂

各五分

右薑三片烏梅一枚水煎服

明治喘

喘之原有六有風寒傷肺而得者有厚味傷脾積痰上迫於肺肺氣為之不利而得者有大病後被尅伐太過傷其脾胃而中氣虛弱者有火逼肺金金為火侮而氣不得下降者有水腫之疾水溢迫肺而喘者有破體太早腎未完固而洩其真陰以致腎虛不能納氣歸源者故治法有踈風解表有清火保肺有清中化痰有利水滲濕有峻補腎元有單補中氣較之於

哮大不相侔茲特揭而明之俾認症循方不啻駕輕車就熟徑即夜行亦無顛躓之慮也矣

九寶湯

治風寒哮喘咳嗽不能伏枕

方見哮喘

黃芩半夏湯

治寒包熱哮喘咳嗽

半夏

枳殼

酒芩

桔梗

紫蘇

麻黃

杏仁

甘草

右薑棗水煎服

天寒加桂枝

桑白皮湯

治肺氣有餘火炎痰盛作喘

桑白皮 半夏 蘇子 杏仁 貝母 山梔 黃

芩 黃連

右薑水煎服

定喘湯 治諸喘久不愈

白菓

二十一枚
去殼切炒

款冬花

桑白皮

蜜炒

麻黃

法製半

夏

各三錢

蘇子

二錢

杏仁

酒芩

各一錢半

右水煎作二次服

生脉湯 治肺氣大虛氣促上喘汗出而息不續命在

須臾

麥門冬

去心
五錢

人參

三錢

五味子

三十粒

右水煎服

星半瓜蒌丸

清中化痰

南星

半夏

瓜蒌仁

香附子

橘紅

蘿蔔子

炒

杏仁

皂角灰

右為末神麴糊丸梧子大每服二三十丸薑湯下

又方

治食積痰喘壅滯不利

半夏

薑製

瓜蒌仁

山查

神麴

海石

蘿蔔子

青黛

右為末用瓜蒌穰搗為丸竹瀝生薑湯下每服三

十丸

參朮調中湯 補中清熱定喘除嗽

人參

白朮

各五分

桑白皮

蜜炒

炙甘草

各三分

麥門冬

陳皮

茯苓

各一錢

青皮

三分

五味子

二十粒

右水煎服

雙玉丸 治胃火刑肺氣高而喘每至夏月必一發者

軟石膏 寒水石

各煨薑汁淬

右等分為細末用甘草煎濃膏為丸棗豈大每夜白湯或淡薑湯送下一錢

神祕湯 治水氣作喘

橘紅 桔梗 紫蘓

各五分

人參 五味子

各七粒

桑白皮

錢一 半夏

七分

栝榔

五分

炙甘草

二分

右薑三片水煎服

椒目散 水泛於肺肺得水而浮故喘不得卧

川椒目沉水者略炒為末每一錢薑湯調下

葶藶大棗瀉肺湯 治上氣喘急身與面目俱浮鼻塞

聲重不聞香臭胸膈脹滿將成肺癰

葶藶

炒研末彈子大一丸

大棗

十枚去核

右水二盞先煎大棗至一盞去棗入葶藶煎八分

食後服 先服仲景小青龍湯二帖再服此

八味丸 治下元真氣不足腎虛不能納氣歸原而喘

懷熟地

四錢

山藥

山茱萸肉

各二錢

茯苓

澤瀉

各一錢五

分

大附子

童便製

桂心

各五分

右蜜丸赤豈大每服二三十九丸白湯下

加減八味丸

治全上即前方去大附子加五味子

人參胡朮湯

治下元不足喘不得卧

人參

一錢五分

胡朮肉

三枚

右薑一片水煎服

杏仁煎 治喘嗽

杏仁

去皮
尖炒

胡荽肉

去皮

右等分研為膏加煉蜜丸彈子大臨卧嚼下

一方 胡荽肉三枚薑三片臨卧嚼吃飲湯三四口再

嚼再飲止嗽化痰

千緡湯 治痰飲喘急不能卧人扶而坐一服即安

半夏

泡七
箇

炙甘草

皂角

炙各
一寸

右生薑一片水煎服

治哮喘欲成龜胸龜背者

甜葶藶

四兩

五味子

一兩

紫蘇子

二兩

杏仁

一兩五錢

桑白皮

蜜炒

二兩

右蜜丸黍米大每三五十丸淡豆豉湯下 銅壁

山人加靈三分神效

咳嗽門

有傷風嗽有傷乳食嗽有痰嗽有火嗽有虛嗽風者鼻
塞或流清涕乳食者胸腹飽悶發熱日輕夜重痰者
一咳便有痰喉中常有痰聲火者發熱面赤小水短

溢虛者呼吸力微大小便利體倦而面色青白

三拗湯

治感冒風邪鼻塞聲重語音不出頭痛目眩

四肢拘攣咳嗽多痰胸滿氣短

麻黃

杏仁

不去皮尖

甘草

右薑葱白煎溫服取汗有熱加前胡有痰加半夏

華蓋散

治肺感寒邪咳嗽上氣胸膈煩悶項背拘急

聲重鼻塞頭目昏眩痰氣不利

麻黃

去節

蘇子

炒

桑白皮

蜜炒

杏仁

茯苓

陳皮

錢

各五

甘草

二錢

右每服三五錢水煎服

金佛草散

治傷風頭目昏痛往來寒熱肢疼煩悶痰

涎不利咳嗽喘涕唾稠粘壯熱惡風

金佛草

荊芥

各一兩半

前胡

麻黃

去節各一兩

甘草

五錢赤

芍藥

半夏

各七錢

右每三錢薑棗煎服嗽甚加杏仁五味子

茯苓厚朴湯

治傷乳食停痰咳嗽或吐白沫氣喘

白茯苓

半夏

各一錢半

厚朴

製五分

甘草

二分

右薑三片煎服

白餅子

治傷乳食停痰咳嗽氣粗喘急及冷痰腹痛

滑石

輕粉

半夏

南星

各一錢

巴豆

十四粒去殼水煮熟

右研勻巴豆後入糯米飯搗為丸菴荳大捏作餅

子三歲已上三五餅已下一二餅煎葱湯下傷食

麥芽湯下

新傷乳食咳嗽用二陳湯加蘿蔔子杏仁枳殼麥芽山

查厚朴之類服之食消而嗽自止

瀉白散 化痰止嗽下氣進食瀉肺火

桑白皮

蜜炒

地骨皮

各一兩

甘草

二錢

右每三錢加粳米煎服

雙玉丸

治胃火食積痰火面赤氣粗喘嗽

方見喘門

清化丸

治火刑肺金咳嗽喘急

貝母

知母

各一兩

巴莖

二十粒

右全炒去巴豆只用二母為末煉蜜為丸菜菔大

每服一二十丸白湯下

久嗽脾肺之氣不足用前諸劑不效者以六君子湯加
改仁桑白皮五味子服之即安

夏月咳嗽多汗喘咳無力生脉湯佳

雄黃丸 治癖積痰嗽嘔吐

雄黃

錢五

半夏

神麴

白麴

兩各一

巴霜

四十九

粒另研

右末滴水為丸萊菔大用米糠拌炒赤色每服七
丸加至十九嘔吐薑湯下痰嗽薑菜汁下

咳久連聲不已口鼻出血者茅根湯主之

陳皮

去白

半夏麴

茯苓

甘草

天門冬

片苓

梔仁

貝母

知母

石膏

生地

杏仁

桔梗

瓜蒌根

右水煎臨服加茅根汁一小酒盞全服

吐瀉門

小兒吐瀉不異大人當於大人門擇治故不再論茲採數方以備不時之急但審諦寒熱體認傷積証明則

百投百效矣

凡吐乳直出而不停留者古謂之哕乳但以炒麥芽三錢橘紅一錢丁香三分水煎服之立止

凡霍亂吐不止者用蘆稷米炒黃煎湯飲之立止

又方 白扁豆嫩苗煎湯飲之立止如無嫩苗時月即用白扁豆炒過煎湯與之亦安

二香散 止吐如神

真藿香 一錢 丁香 一錢 白滑石 五錢

右為末每服五七分米飲下

凡冷吐者乳不消化多吐而少出面白眼慢神昏額上汗出急宜溫中理中湯參香散若將傳慢脾者可用全蝎觀音散

參香散 治寒吐胃虛投諸劑不效者

人參 沉香 丁香 藿香 木香

各等分

右為末每三五分米飲調下

全蝎觀音散 治吐瀉截風定志庶免傳變慢驚

黃耆

炙

人參

錢各二半

木香

炙甘草

蓮肉

扁豆

炒

茯苓

白芷

全蝎

羌活

防風

天麻

錢各二

右每服三五錢薑棗煎服

六神湯

治脾胃虛吐瀉不進飲食

黃耆

扁豆

人參

白朮

茯苓

炙甘草

藿

香

各等分

右每三四錢薑棗煎服

藿香散

治冷吐瀉臟腑不調瀉下青黃黑白色或如

雞子清或腹疼微熱

橘紅 藿香 枳殼 厚朴 製 炙甘草

右為末每服一錢米飲下 治瀉棗湯下

凡熱吐者面赤氣粗唇紅吐出之勢射而遠乳已化色黃小水短少二陳湯加薑汁炒黃連黃芩枇杷葉

濟生竹茹湯 治熱吐口渴煩躁

橘紅 乾葛 甘草 麥門冬 竹茹 生薑

右水煎服熱甚者加薑連

益元散 治熱吐面赤氣粗小水短少傷暑作吐尤佳

滑石

錢六

甘草

錢一

右為末薑汁調燈心湯下吐甚者井花水下

凡食傷而吐者吐出之物有餒酸氣眼胞浮面色黃足
冷肚熱日輕夜重麥芽枳實青皮檳榔厚朴陳皮之
類消而降之

治瀉之劑

凡冷瀉者面色青白小水清腸鳴漉漉腹中作疼口不

渴益黃散理中湯挾風邪者藿香正氣散挾暑氣者

六和湯

胃苓湯

治冷瀉小水不利

蒼朮

厚朴

薑汁炒

陳皮

炙甘草

白朮

茯苓

豬苓

澤瀉

桂皮

右薑三片水煎服

凡熱瀉者面赤唇紅小水短少口乾六一散燈心湯調

下立止

清六益元湯 治熱瀉小水短少口乾

白朮

炒

滑石 炙甘草

黃連

酒炒

麥芽

炒

右水煎服

四苓湯

治熱瀉小水短少腹中作疼

白朮

炒

赤茯苓

澤瀉

豬苓

白芍藥

酒炒

酒苓

酒連

右水煎服

凡食傷而瀉者腹中或疼或脹噯氣如敗卵詳其所傷

以對症之劑消而磨之如傷乳食以麥芽糯米食以酒麴肉以山查荳腐以蘿蔔子豈粉以杏仁諸菓子以麝香肉桂傷魚以橄欖每於理脾中倍加所以之藥為君則效也凡諸內傷初未下膈之時只宜吐之如瓜蒂散或蘿蔔子搗滾水取汁多飲之即吐若食已下膈入胃則不可吐以香橘餅之類消之若腹中飽硬日數已久而痛在臍腹則宜備急丸等下之然後調補瀉始止也若補之太早恐食積不消久而變

為痢疾或為脾洩或為痞滿皆由執衡者失先後次第之宜盲對症之劑之所致也又投已上諸劑不止者乃蟲瀉也當從疳治

瓜蒂散 治食傷胸膈脹疼兀兀欲吐煩悶不安

瓜蒂

三枚

赤小豆

一錢

右為末白湯調下五七分少刺用鷲翎於喉中探之即吐

香橘餅 治食積瀉冷瀉腹中脹疼

丁香 青皮

陳皮

錢各二

厚朴

神麴

炒

麥芽

錢各五

右為末煉蜜為餅紫蘓湯下米飲亦可

消積丸

治吐瀉大便酸臭

丁香

九粒砂仁粒十二

巴豆

粒二

烏梅肉

枚二

右為末麵糊為丸萊豆大溫水送下一二丸

保安丸

治傷食瀉

香附子

炒

砂仁

炒各一兩

白薑

煨

青皮

炒

陳皮

京三棱

蓬朮

俱醋煨

炙甘草

錢各五

右為末麥芽麵糊為丸萊豆大每一二十九薑湯下

夏月作瀉或傷暑吐瀉以六和湯治之名六和者以其能和六腑也

六和湯 治吐瀉霍亂

砂仁 半夏 杏仁 人參 炙甘草 赤茯苓

各一兩

藿香 扁豆

炒

木瓜

各二兩

右每三五錢薑棗煎服

香橘膏 治吐瀉

砂仁

錢二

白芷仁

錢一

蓮肉

山藥

木香

青皮

炒各

錢五

陳皮

厚朴

製各

麥芽

炒

神麴

炒各

二兩

右為末蜜丸雞頭大每服一九吐用紫蘓湯下瀉

荊芥湯下

保安四聖餅 治吐瀉驚疳吐瀉日久恐傳慢驚

人參 白朮

茯苓

各一兩

炙甘草

南星

炮

白附子

各五錢 代赭石

煨醋淬

一兩

蛇含石

煨三錢

錢三

右為末端陽日粽搗為餅計重一錢每服一餅吐

薑湯 瀉米飲 驚薄荷 疳米泔水下

荳蔻散 治腹痛腸胃虛冷滑洩不禁

肉荳蔻一枚剉一小孔入乳香一塊濕麪包裹煨熟
為末每服三五分米飲下

睡驚太乙丹 治瀉後糞青鎮驚安神止夜啼

白朮 茯苓 桔梗 藿香 川芎 白芷
炒一錢 各三錢

扁豆 白芍藥
炒五錢 酒炒五錢

右為末煉蜜為丸櫻桃大辰砂麝香為衣每服半
丸薄荷湯或棗湯化下 夜啼燈心鈎藤湯化下

癖門

癖者血膜包水癖於脇傍時時作痛也惟癖能發潮熱
能生寒熱故瘡家中脫多蓄黃水日久而後成癖此
蓋小兒臟腑不和營衛不暢津液不得流通冷氣搏
之則結聚而成癖矣進食九消食丸可選而用之甚
者白餅子下之治之不早恐成疳積羸瘦肚脹則難

治也

取癖丸

治腹脇痞結氣滿不得宣通

甘遂

炒微

芫花

炒

黑丑

半炒半

生研末

辣桂

蓬朮

青皮

木香

菴仁

炒去皮

五靈脂

各二錢

巴霜

一錢

右為末飛麵糊為丸麻子大每服一二丸薑蜜煎湯灌下泄後用冷粥補之

燒丹丸

治乳癖食癖午後寒熱咳嗽脇下結硬

玄精石

煨赤

輕粉

各一兩

粉霜

硼砂

各五分

右為末入寒食麵一錢水和成餅外再用濕麵包裏慢火煨黃色取出去麵將藥再研為細末滴水為丸米粒大一歲五丸二歲十九丸夜卧白湯送下至天明取下惡物如不下漸加丸數如妳癖未消盡隔三兩日再一服以癖消盡為度

紫丸子 治嬰兒乳食失節宿食不化胸腹痞滿嘔吐惡心便利不調乳食減少不消內挾冷痰大便酸臭或變蒸發熱多日不解因食成癰先寒後熱

代赭石

醋煨

赤石脂

煨各一兩

杏仁

去皮尖麤皮炒五十個

巴霜

炒一錢

右為末，餗餅丸如黍米大，月外兒只服一丸，米飲下，微利即瘥。千金方云：此方之妙，無所不治，雖為下藥，並不虛人。

七聖丸 能令黃瘦子頓作化生兒

三稜

莪朮

芫花

各醋浸同炒

青皮

橘紅

川棟子

去皮核

杏仁

去皮尖

右為末，醋糊為丸，黍米大，食遠白湯服，日間所食。

之食物盡行消化永無積滯

消積丸 消積聚寬腹脹退面腫進飲食化滯物

木香

人參

各一錢半

黃連

炒

莪朮

醋煨各三錢

橘紅

青皮

炒

檳榔

二枚

右為末麵糊為丸黍米大食後米飲下

萬金丸

磨積塊去黃胖神效

平胃散

加夜明沙

畧炒

針砂

醋淬炒

皂礬

醋煮乾煨紅各等分

右為末紅棗肉為丸菜豈大空心米飲下忌一切

血及蕎麥麵

靈仙丸 消一切癰

歲靈仙為末煉蜜丸彈子大紅絹袋盛藥一丸用精猪肉四兩煮極爛去藥聽喫其積化從大便而下以知為度

過癰散 治癰立效

海蛤粉 黃丹 硫黃

各等分

右初伏日修合為細末用好米醋調成膏於新烏

盆中曬乾為細末一歲兒服一分空心米飲調下
取下癖積如藍汁為驗

鰲甲猪肚丸 治小兒痞積發熱

批胡

一兩

黃連

鰲甲

醋炙各七錢

枳實

炒

木香

青皮

各五錢

錢七
青蒿

右為末入猪肚內蒸極爛同搗為丸梧子大每服
二十九人參湯送下

赤茯苓

六錢

赤芍藥

山梔子

各三錢

當歸

甘草

各五錢

右每五錢燈心煎服

導赤散 治血淋

生乾地黄

木通

各二錢

黃芩

甘草

各一錢

右為末每服一錢井水入燈心煎湯服仍以米飲調油髮灰空心灌下

車前子散 治小便不利

茯苓

猪苓

香薷

車前子

人參

各等分

右為末每服五錢燈心湯下

金砂益元散 治小便淋瀝不通

鬱金 海金砂 滑石 甘草

各等分

右為末每服三錢木通燈心煎湯下或冬瓜仁湯

亦可

茯苓散 治白尿

京三稜 蓬朮

各煨

砂仁

赤茯苓

各半兩

青皮

陳皮

滑石 炙甘草

右為末每服一錢燈心煎湯調下

三稜散 小兒尿白久而成疳此藥實脾土消食化積

三稜 蓬朮 益智仁 甘草 神麴 麥芽 陳

皮
錢各五

右水煎服痰嗽加製半夏口腥氣加鹽調理諸痰
加棗子

淋門

淋淋瀝也尿竅澁滯小便點滴而出艱澁而疼頻而數
起也由熱結膀胱不能滲洩下焦之氣壅滯而然其

血淋者熱自小腸而來小腸與心為表裏心主血熱則妄行滲於膀胱而致之也

小兒尿出少頃如米泔狀者由乳哺失節傷於脾胃以致清白不分久則成疳而濁也尿初出時微赤良久變白乃熱疳之邪初出黃白良久變米泔者乃冷疳之候也冷者益黃散主之熱者牛黃丸冷而復挾熱者大蘆薈丸純白濁者厚朴丸諸失津液欲成疳而小便白濁者茯苓散

葵子散 治小兒諸淋

葵子 車前子 木通 桑白皮炒蜜 瞿麥 赤茯苓

山梔子 炙甘草各等分

右水煎服

八正散 治心經蘊熱口燥咽乾五淋小便澀眼目赤

脉赤瘡

滑石 瞿麥 木通 大黃 扁荳 車前子 梔

子各五錢 甘草稍半

右每二三錢加燈心煎服

木通散

治上焦熱小便閉煩躁生嗔及淋瀝諸瘡丹

毒

八正散

加赤茯苓 黃芩

五淋散

治膀胱有熱水道不通或尿如豈汁或如沙

石或膏或血

血餘散

治血淋

髮灰

錢二

生蒲黃

生地黄

赤茯苓

甘草

錢各一

右煎調髮灰空心服

分清飲 通心氣補漏精小便餘瀝赤白濁

益智仁 川萆薢 石菖蒲 烏藥

右燈心水煎服 一方加白芍藥茯苓

君朴丸 治諸疝小便白濁久則黃瘦不長肌肉

史君子肉 煨 厚朴 製 黃連 各一兩 木香 二錢同炒

右為末麵糊丸赤豈大米飲下三十丸

胃苓丸 治小便如米泔甚效分陰陽退潮熱消浮腫

退黃疸調脾胃 此銅壁山人改湯為丸即胃苓湯加
草薢米糊丸米飲下 嘔吐薑湯下 泄瀉車前子湯
下 浮腫長流水五加皮燈心湯下 黃疸本方一
料加茵陳五錢燈心湯下 白濁鹽湯下 疝氣苗
香湯下

遺尿門

尿床附

遺尿者謂小便日夜時出多而不禁尿床者謂夜入床
睡去乃小便出而不知也良由下元不足腎與膀胱

虛冷所致故古方多用溫補下元之劑腎氣實則氣固而溺有統攝則不致遺失也

劉守真又謂有熱客於腎部干於足厥陰之經乃廷孔鬱結極甚而氣血不得宣通則痿痺而神無所用故夜滲入膀胱而旋溺遺失不能收禁也此又不可不知

孫仲子泰來曰夫謂不禁者乃小便出多不計其遍數為下元大虛之症由陽氣虛憊不能收持此急症也

不急治則死矣非大溫大升大補則莫能濟其虛而固其原彼尿床者嬰孩童稚常有之蓋男子十六而精通腎氣固即不為治至其時亦自止若治之早者則早止也亦有至老而不止者余目擊十數人矣余族且三人皆乏嗣總由下元虛冷良可徵矣劉守真謂有熱客腎部干於厥陰建孔鬱結極甚不能宣通故遺失不能收禁愚謂既鬱結極甚不能宣通則小便所出者僅點滴而已所出必短澁疼痛色必黃赤

安能直遂長清不收不禁哉內經謂膀胱約而為瘕
不約為遺溺不禁由是叅之守真之論只可言淋乃
暫有之疾非遺失日久者可擬余不佞僭為辨

雞腸散 治小兒尿床遺溺不自知覺

雞腸

燒

牡蠣

煨

白茯苓

真桑螵蛸

炒

各五錢

桂心

龍

骨

各二錢半

右每服三錢薑棗煎服

雞胫脰散 治遺尿

雞胗脰

具一雞腸

燒

猪胞

焦

右為末男用雌女用雄每服一二錢酒調下

破故紙散

治下元虛冷遺尿

破故紙炒為末一二錢白湯調服

益智仁散 治全上亦治白濁

益智仁

白茯苓

等分

右為末每服一錢空心米飲下

又方 五倍子

一半生用一半燒存性

為末雪糕為丸白湯下

補原丸 治下元虛憊小水不禁或如脂膏

桑螵蛸 益智仁 人參 仙茅 山茱萸肉 鬼

絲子 乾山藥 巴戟

右為末各照常製芡實粉為丸蓮肉湯送下七八

十九

遺尿方 破故紙 益智仁 烏藥 白茯苓 茯

神 錢各一

右為末空心米飲下一錢

外腎先腫門

小兒陰腫多由甘肥不節濕熱下流或啼哭怒氣不順或失坐冷地皆能致之

丹溪謂脫囊腫大墜下不收以紫蘇莖葉為末水調荷葉包之又謂一人傳此方用野白紫蘇為末濕則乾摻乾則香油調敷雖皮潰而核欲墜悉有神功

菴仁丸 治怒氣不順啼哭鬱氣結於肝經發為陰腫或為偏墜或水實不通亦能發腫此方主之

杏仁

去皮微炒

桂心

黑荳

微炒

白蒺藜

炒研去刺

牡丹皮

大

黃

各等分

右為末煉蜜丸麻子大每服五丸或七丸青皮
木香葱白煎湯入鹽少許送下或煎大流氣飲研
青木香送下亦可 丹溪用木通甘草黃連當歸

黃芩煎服

牡蠣散

治小兒外腎腫大莖物光明

牡蠣

煨

為細末以津唾調塗腫處即消

又方 加地龍末一分如外腎熱者以雞子清調敷

又方 治小兒卵腫 苑仁研如泥津唾調敷

青木香丸 寬中快膈腹脇疼痛心下堅痞腸中水聲

陰腫偏墜

黑荳

炒一兩
五錢

青木香

補骨脂

炒

萆澄茄

檳榔

各四

兩

先將檳榔用粟米包外再以濕紙裹煨令焦去飯
取檳榔全前藥為末滴水丸菜荳大每服二十九

白湯下

又方 治偏墜

防風 牡丹皮

右為末酒調服一二錢立效或白湯入鹽下

又方 治偏墜

五苓散內加防風牡丹皮極效有熱者服三黃丸

三白散 治膀胱蘊熱風濕相承發為陰腫小便不利

白芎

炒二兩

桑白皮

白朮

木通

陳皮

各五錢

右為末每二錢薑湯調服

蟬退散 陰囊忽腫或坐地多時感受風濕或為蟲蟻

所吹

用蟬退五錢水一碗煎湯薰洗腫處腫消痛止須洗
二三次後服五苓散以燈心湯調服

又方 葱地上蚯蚓糞為末煎甘草汁調敷腫上或薄
荷汁調亦妙

痢門

小兒痢疾外感少而內傷多故曰無積不成痢也但當
審諦新久虛實若新起而腹痛手不可近後重裏急
日夜頻進小水短少稠粘之物若膿若血不計遍數
者急宜下之下後看輕重再為調補噤口者審其從
時令之氣而來體必發熱用人參敗毒散加陳倉米
有熱毒薰蒸胃口虛而不納穀或乾噦嘔惡者以辰
砂益元散用生薑汁調燈心湯送下若痢久而腸胃
虛弱者但當補養氣血蓋虛回而痢自止也脾胃健

飲食進痢自旋止日數雖多而無誤於事也小便不利者當利之清六丸佳

人參敗毒散 治四時不正之氣發為寒熱瘡痢或遍

身作痛嘔噦惡心噤口 方見丹毒赤遊加陳皮薑棗

香脯 治小兒刮腸下痢噤口不食閉口合眼至重危

困

精猪肉

一兩批
薄片

臙粉

將猪肉於炭火上慢炙旋鋪臙粉令勻成脯每以

少許與吃如未知吃且放鼻邊自然要吃此方治
胃口有毒食之神效

百一選方 治噤口痢

蓮肉去殼留心碾為末每服半錢陳米飲調下此是
毒氣上衝心肺借此以通心氣便覺思食

山藥散 治噤口痢

乾山藥一兩

半生用 半炒熟

為末白湯調二錢服之嘔噦立

止

茅花湯 治吐血下血鼻衄血痢黑痢

茅花一大把水煎服無花用根代之

枳殼寬腸散 順氣治痢

甘草

炙六錢

枳殼

炒二兩四錢

右為末每服一錢空心白湯調下

烏梅湯 治下痢津液少臟腑虛燥煩渴引飲及諸病

後煩渴引飲無度

烏梅肉

微炒五錢

白茯苓

木瓜

各一兩

右每三錢薑一片水煎服

清六九 治血痢小水短少及洩瀉 此方專清六腑
濕熱故名清六內用紅麴者以其能消食積而化淤
血也

桂府白滑石

飛過六兩

炙甘草

一兩

紅麴

炒錢

五

右滴水為丸燈心湯下二三十九

芍藥湯

治赤白膿血裏急後重腹中疼痛劉守真云

行血則便膿自愈調氣而後重自除此方是也

白芍藥

錢二

當歸

錢一

酒連

酒苓

各八分

木香

檳榔

各五

分肉桂

四

甘草

二

右水煎服小水短少日夜後重者加枳殼升麻莖

仁各一錢滑石三錢若積滯重而熱盛者加大黃

一錢

保和丸 治食積痢腹疼不知餓用此消之

山查

神麴

各二兩

陳皮

半夏

各一兩

蘿蔔子

連翹

炒各五錢

右末仍以神麴糊為丸萊菔大每服一錢白湯下

小香連丸 治裏急後重腹疼赤白痢

黃連

吳茱萸各一兩
全炒只用連

木香

二錢
錢訶子 煨去核
五錢

右為末麴糊為丸萊菔大每三十九米飲下

地榆散 治赤痢無糞鮮紅點滴而下

地榆

蜜炒

訶肉

煨

甘草

各等分

右為末每服一錢米飲調下

地榆飲 治熱痢腹痛赤白頻併

地榆

錢二

甘草

白芍藥

當歸

錢各一

枳殼

錢炒一

黃連

吳茱萸
炒一錢

右水煎服

茯苓白朮散

治寒痢所下清白如魚凍者脾弱不思

飲食

茯苓

錢三

白朮

人參

木通

枳殼

甘草

錢炒各一

肉

果

桂心

錢各一

訶肉

錢二

陳皮

錢二

右每三五錢燈心煎服

朴附丸 治寒痢滑洩不禁

厚朴

製

大附子

炮

乾薑

炮

陳皮

各等分

右為末粟米糊為丸每服五七分或一錢米飲下

又方

木香

錢一

黃連

吳茱萸炒三錢

粟殼

去蒂萼蜜炒二錢

殭蠶

炒一錢

甘草

錢三

右剉以生薑三錢全炒爆乾為末米飲調下 赤

生地黄湯下

白烏梅湯下

如有熱小柴胡湯

解之

養臟湯 治冷熱不調下痢赤白或如膿血魚腦裏急

後重腹臍疔痛脫肛如臟腑滑洩夜起及日久虛寒

加大附子三片

粟穀

蜜炒
三錢

人參

當歸

肉桂

肉果

煨

白朮

訶

肉

煨

炙甘草

各一
錢

木香

芍藥

各一
錢半

右每三五錢水煎服忌酒麵生冷

胃風湯

治風冷乘虛干於腸胃水穀不化泄瀉腹脇

虛滿腸鳴疔痛下如豈汁或純瘀血

白朮 芍藥 川芎 人參 當歸 肉桂 茯苓

各等分

右每服三錢入粟米一錢水煎服

芍藥栢皮丸 治一切膿血惡痢窘痛

白芍藥

黃栢

各一兩

當歸

黃連

枳殼

各五錢

右為末滴水丸萊菔大白湯下

三黃熟艾湯 治積熱下痢赤色及治傷寒四五日大

下熱痢諸藥不效者

黃連

黃芩

黃柏

錢各七

熟艾

半雞子大

右每服三錢水煎服

噤口痢

人參

黃連

錢各一

石蓮子

三分

右為末擦牙關二三次即能食 丹溪用人參川

黃連二味煎濃服之但得一呷入腹即愈此加石

蓮子亦有理

荳蔻散 治嬰孩腸胃脆弱糟粕不聚瀉痢不止或赤

或白冷熱不調日夜頻併愈而又發神效但忌葷腥
生冷

肉苳菴

煨一個

胡粉

炒二錢

龍骨

生一錢

枯礬

一錢

右為末每服一錢米飲調下或以薄糊丸麻子大
每服五六十丸 議曰胡粉即真鉛粉也出韶州
者名韶粉出定州者名定粉總名光粉其性殫故
用以殫其腸令不虛滑苳菴溫臟之藥安和腸胃
龍骨白礬澀腸止痢凡虛滑日夜無度者服之隨

時痊愈

神效雞青丸 治嬰孩一切痢疾不拘冷熱皆效

木香

錢二

生黃連

分五

肉荳蔻

生一

大者

個

右為粗末取雞子青搜和作餅慢火炙黃色變紅者稍乾擘破碾為末白麵糊為丸麻子大每三五丸米飲下 此方功在雞子青

大效至聖千金飲子 治先吐後瀉後又變痢臍腹痛脇肋脹滿受濕虛鳴膿血五色相雜或如荳汁或

如瘀血日夜無度食少肌羸

黃芪

蜜炙

甘草

陳皮

粟殼

蜜炙

木香

白芍藥

地

榆

蜜炒

黑豆

炒

當歸

枳殼

炒

烏梅

淮棗

白朮

訶肉

煨

黃連

各等分

右每三五錢水煎服

大艾煎丸

治小兒虛痢大渴不止

艾葉

燒存性

乾葛粉

胡粉

炒

海螵蛸

炒

龍齒

各等分

右為末煉蜜為丸雞頭子大每服一九至二九米

飲下

木薤麵 治噤口痢一粒飯不食服此效

白朮

錢五

肉果

炮二枚

木香

錢二

右為末白麵一兩水搜作餅切作條子水煮熟用葱白生薑鹽各少許和汁與吃看所入多少仍用

雞青丸調理

炒雞子 治休息痢及疳瀉日久不愈

雞子一枚先用黃蠟如指大一塊銚內鎔化入雞子

拌炒熟空心食之大效

剪紅丸 治痢鮮血

側柏葉 槐花 枳殼

各炒 荊芥穗 各等分

右醋糊丸糯米湯下

瘡門

小兒瘡痢治同大人惟劑輕小耳當於大人科參治茲
但收集數方以備緩急不重論也緣其症不外於外
感內傷二者而已外感有六經之形症用和解六經

之劑治之內傷有胸腹飽滿晝輕夜重之標準只以
二陳湯加健脾消導之劑治之蓋無痰不作瘧也數
發之後乃為截之虛弱者補之然初發二三日之間
必須導痰運脾和解為主切不可遽投補截設汗不
週頭疼未徹則表邪未盡解也苟痰不清胸腹不暢
則內傷未盡鎔也補之截之是開其邪而塞其去路
其變也曷勝言哉

和解六經之劑詳於
大人科第八卷中

清脾飲 治瘧瘧熱而不寒或熱多寒少膈滿不能食

口苦舌乾煩渴小便黃赤大便秘利

青皮

厚朴

製

白朮

草果

煨

柴胡

茯苓

半夏

黃芩

甘草

各等分

右生薑三片水煎服

養胃湯

治外感風寒內傷生冷溫中快膈山嵐瘴氣

寒瘧嘔逆

人參

蒼朮

厚朴

半夏

藿香

草果

煨去殼

茯苓

苓

各五分

陳皮

七分

甘草

二分

右薑三片棗一枚烏梅一枚煎服

香葛飲 治嬰孩夾食夾驚傷寒四時瘟疫瘧疾

香附子

炒

紫蘇葉

各一兩

橘紅

青皮

葛根

各五錢

炙

甘草

二錢五分

右每三五錢薑葱白煎服

露星飲 治久瘧成癆以此截之

秦艽

紫胡

白朮

茯苓

檳榔

常山

酒炒一

次一黃芩

甘草

半夏麴

官桂

各等分

右用酒醋水各半碗煎七分露一宿臨發五更服之

鬼哭飲 截瘧

常山

製

大腹皮

白茯苓

鰲甲

醋炙

甘草

右菟柳枝各七條水煎臨發空心五更服

南斗散 治痰瘧

常山

製

白芷

南星

生各等分

右酒煎臨發五更服

白朮截瘧飲 治虛弱久瘧脾虛嘔吐不思飲食不拘

寒熱極效

白朮

一半生用一半炒用四錢

橘紅

麥芽

各二錢

烏梅

一枚

右薑五片水煎臨發日五更服

何首烏丸

治久瘧陰虛熱多寒少以此補而截之

何首烏為末鰾血為丸黃耆大辰砂為衣臨發五更白湯送下二丸

截法 不拘寒熱瘧端陽日製

茺藺葉尖

東南方者四十九片

半夏

四十九粒為末

搗茺藺葉尖為丸雄黃

為衣曬乾貯瓶中封固臨用取一九綿裹塞鼻中男
左女右

鰲甲飲子 治瘡久不愈腹左有塊名曰瘡母

鰲甲

醋炙

白朮

黃芩

草果

檳榔

芎藭

橘紅

甘草

厚朴

白芍藥

各等分

右薑棗煎服

青黃散 消瘡母如神

青黛

澄去灰土

雄黃

研細飛過

右等分為極細末每一歲用一分空心及夜淡醋湯調下塊消其八即止屢驗屢效

銅壁山人治瘡母用月蟾丸

木香 人參 黃芪 當歸 桔梗 黃連 三棱

醋煨

莪朮

全上

鱉甲

醋炙

乾蟾

微

史君子

苦棟根皮

訶

子肉

夜明沙

枳實

綠礬

醋煨各等分

右為末

醋糊丸

陳米飲下

又截法

寒多熱少者俱以平胃散加常山草果截之

此內傷瘧熱多寒少者俱以白虎湯加常山草果截之寒熱相半者俱以小柴胡湯加常山草果截之此
外感瘧

吃泥門

小兒吃泥乃胃中熱丹溪用石膏黃芩陳皮茯苓白朮煎服而愈徐氏用宣治一兒食泥土困睡洩瀉遍身如疥此脾經內外疳也以六君子湯肥兒丸而愈

吃生米門

吃生米者此胃中有蟲亦宜健脾清熱肥兒丸佳蓋吃泥吃米皆疳之漸當於疳門尋治大蘆薈丸等方酌而用之毋使臨期鞅掌也

蒼朮丸 治吃生米

蒼朮米泔浸一日為末餗餅糊為丸梧子大每服五十丸米飲下一日三服

耳門

生生子曰小兒耳疾多屬風熱上壅亦有因於沐浴水

入耳中水濕停久搏於氣血醞而為熱化為膿汁

湯氏云耳有五般常出黃膿者為停耳出紅膿者為膿耳出白膿者為纏耳瘡臭者為伍耳耳內虛鳴出青膿者為震耳症雖五般病源一也皆由風水入耳而因有積熱上壅而成若不早治久則成聾宜胭脂膏治之仍服化痰退熱等劑即愈也

孫李子朋來曰此五者不可謂全無分別詳其名觀其色其間必有說也愚僭剖之停耳者為水濕之氣久

停耳中與氣血搏擊醞為熱膿蓋脾主濕又脾之色黃以始為停濕所致故曰停耳膿耳者心主血脉血熱化為紅膿心之色赤故曰膿耳纏耳者肺主氣肺之色白肺氣不利纏壅上焦化為白膿故曰纏耳伍耳者耳內疳臭蓋耳為腎之外候小兒腎未充足偶為氣忤逆於經隧心主臭心氣不得下降腎氣不得上通故醞而為疳臭也震耳者易曰震為雷或為雷聲震動故耳中虛鳴肝之色青故出青膿也此因五

臟有所感觸隨臟為名故有此五色之相應也既有此五臟之因須推五臟之治庶為治本若謂症雖五般病源一也則予未敢首肯

蔓荊子湯 治內熱耳出膿汁

升麻 木通 麥門冬 赤芍藥 生地黃 前胡

甘菊 甘草 桑白皮 赤茯苓 蔓荊子

各等分

右薑棗煎食後服

清上散 治上焦風熱耳出膿汁頭面瘡癰

方見風熱門

當歸龍薈丸 治肝膽風熱耳中鳴出青膿名曰震耳

大便秘小便黃常服宣通血氣調順陰陽

當歸 龍膽草 柴胡 青黛 各五錢 梔子 兩 膽星

麝香 五錢 大黃 蘆薈 各五錢 酒芩 黃柏 酒連 各一兩

兩 木香 二錢 五分

右煉蜜丸小豈大每二十九薑湯送下

清黃散 治耳出黃膿名曰停耳內有風熱外為水濕

所干醞久而成

防風

滑石

飛各五錢

甘草

炙一錢

梔子

酒炒三錢

藿香

二錢

酒連

二錢

右為末白湯調二錢食後服

清心丹

治耳出紅膿名曰膿耳及舌上生瘡如楊梅

狀者

黃連

酒炒三錢

滑石

飛六錢

甘草

辰砂

飛各一錢

薄荷

六分

犀角

屑

二錢

右為末每用一錢五分蜜拌薄荷湯下夜再服

清白散 治肺熱痰火上壅耳出白膿名曰纏耳無治

咳嗽

桑白皮

蜜炒

地骨皮

各三錢

甘草

一錢

貝母

二錢

寒水石

煨三錢

天花粉

酒芩

天門冬

各一錢五分

右為末以蜜水調食後服或白通草煎湯下尤妙

交感丹 治耳中疳臭名曰伍耳或怒氣上逆上下不

得宣通遂成聾瞶

香附子

童便浸透炒三錢

茯神

黃連

各二錢

桂心

一錢

甘菊花

錢一

右為末每一錢五分燈心湯調下

禹糧丸 治停耳出膿水

禹餘糧

煨醋淬七次

海螵蛸

去背上硬骨

百草霜

伏龍肝

各二

錢五分

大附子

去皮臍生用一枚

右為末以綿裹如負眼核大安耳內日再易之如
不瘥乃有蟲也

龍骨散 治諸膿耳

枯礬 龍骨

胭脂 各一錢

麝香 少許

右為細末先以棉裹杖子拭去耳中膿再吹一字入耳中日再加海螵蛸一錢尤妙

羊角散 治耳內膿汁不乾

山羊角燒存性為末每吹二三分入內一日二次三日全瘳

滋陰地黄丸 治耳虛鳴膿汁不乾腎陰不足

熟地黄

兩一

白茯苓

錢四

山茱萸

錢五

甘菊

錢四

牡丹皮

錢四

何

首烏

黑豆蒸
三次

黃柏

各四錢

右煉蜜丸梧子大每服三五十丸

龜胸龜背門

古方皆屬之於肺謂受邪喘久所致又乳母多食辛熱
胎毒於兒感之於肺由肺脹大而胸高滿如龜狀也
蓋胸膈之上乃肺之分野又肺主皮毛若背受風邪
客於脊骨故背高而偻僂又或兒坐太早亦能致之
然此多成痼疾考之古法惟有百合丹枳殼防風丸

及灸肺俞膈俞二穴而已別無治法

百合丹 治胸高脹滿其狀如龜

川大黃煨 天門冬 杏仁 百合 木通 桑白皮

甜葶藶 軟石膏

右為末煉蜜丸萊菔大每服五丸白湯臨睡服

枳殼防風丸 治客風入背如龜高聳

枳殼 防風 獨活 前胡 麻黃 當歸 大黃

煨各
一錢

右麵糊丸黍米大米飲下

松蘿丹 治初生不暇護背為客風吹脊入於骨內或

坐早所致

松花 枳殼 防風 獨活 麻黃 前胡 川

各一兩

大黃 桂枝

各五錢

右為末煉蜜丸黍米大每十九米飲下

灸法 肺俞穴第三椎下兩傍各一寸半 膈俞穴第

七椎下兩傍各一寸半 以小兒中指量中節為一

寸 每灸艾炷如小麥粒大各灸三五壯

龜尿法 點背腫高處節間

取烏龜置於新荷葉上用鏡照之其尿自出鍼點脊
俞中若龜尿不出用猪毛插入鼻中其尿即出

蟲門

小兒好食肥甘生冷傷於脾胃脾胃既傷則不能運化
精微而生濕熱濕熱久則生蟲也發則腹中疼痛上
下往來無有休止或亦攻心則合眼啼哭撲手仰身

神思悶亂嘔噦涎沫或吐清水四肢羸困面色青黃
飲食難進不生肌膚或寒或熱沉沉嘿嘿不的知其
病之所在不早療則腹中子母轉轉相生蟲長一尺
足能殺人觀周歲已前小兒鮮有此苦者良由飲乳
不食肥甘生冷蟲無從而生也即是觀之蟲之生於
濕熱肥甘也不亦明乎予故述此生蟲之源以為今
之為乳母者姑息之戒

化蟲丸 治蟲咬心痛來去不定不思飲食

鶴虱

檳榔

胡粉

苦楝根

取東行小枝各五錢

明礬

半生半枯

三錢五分

右為末麵糊丸菴豈大三歲者服三十九白湯入香油二滴吞下食前服如有小蟲皆化為水大蟲即從大便而下初服甚效

史君子丸 治小兒五疳脾胃不和心腹脹時或疳痛不進飲食漸至羸瘦

厚朴

陳皮

史君子肉

湯浸去黑衣各一兩

甘草

川芎

各二

錢五
分
白芍藥
錢五

右為末煉蜜丸皂子大三歲已上一丸米飲下

烏梅丸 治蛔厥當吐今反靜而復煩此為臟寒蛔上

入其膈須臾復上得食而嘔又煩蛔聞食當自吐及

治久痢

烏梅

三十個

乾薑

炮一兩
二錢

黃連

二兩

川椒

當歸

各四錢

細

辛人參

大附子

炮去
皮臍

桂枝

黃柏

各七錢

右為末用酒浸烏梅肉一宿蒸飯搗為丸麻子大每

十九日二次忌生冷

檳榔丸

檳榔 鶴虱 貫衆 乾漆

炒焦存性

蕪荑 雷丸 雄

黃飛史君子肉 川楝子肉 木香 黃丹 錫灰

輕粉

少許 已霜 二個

右為末酒煮麵糊為丸黍米大五更早用猪肉葱油煎將肉細嚼勿吞下但只引蟲頭向上便將肉汁調化蟲散或吞檳榔丸至巳時取下蟲方進飲

食

化蟲散 先將豬肝油炙令兒聞其香味引蟲頭向上
則藥可行

雷丸 鶴虱

甘草 大黃

生各一錢

史君子肉

十枚

右末用豬肉煮汁調五更服

疳門

生生子曰小兒疳症最為重候顧疳字從甘明其嗜貪
甘肥成積生蟲損傷脾胃脾胃一虛百病蜂起古稱

五疳言五臟之疳也五疳之外其名甚多如曰疳氣
曰疳虛曰疳熱曰丁奚曰哺露曰腦疳曰脊疳曰無
辜之類不勝枚舉蓋脾胃虛則停積積則生熱或瀉
或痢或風或瘡生疳生蟲二十已下其病為疳二十
已上其病為癆症雖多種源一而派殊也而治總在
脾胃為重五臟皆受氣於脾胃賴坤元以資生也又
有乳母未斷乳時先耽身孕兒飲孕乳久為魘病以
其疳成肉消顙大髮穗腿枯形肖傀儡若魘然也又

有母體虛弱氣血不足乳汁不充強餵粥飯耗傷形
氣皆成疳兆楊錢二公治論極正採錄於左以為法
眼

楊氏侯子曰疳之受病皆虛使然熱者虛中之熱冷者
虛中之冷積者虛中之積治熱不可妄表過涼治冷
不可峻溫驟補治積不可用霸峻取

錢氏仲陽曰小兒初病為肥熱疳熱則涼之久病為冷
瘦疳冷則溫之小兒易虛易實過寒則生冷過溫則

生熱峻取則重傷脾胃上醫處其消積和胃滋血調氣隨順藥餌以扶持之病家調節乳食以裨養之使營衛調和臟腑充實若或過焉君子未保其往也積者疔之母由積而虛謂之疔極凡有積者無不壯熱脚冷若積而虛甚則先扶胃使胃氣充實方與微利急以和胃之藥扶虛救裏如白朮菟蘿蔔子砂仁蓬朮消積等劑疎利之藥也脇腹癖痛亦虛中之積先寒後熱飲水不食或飲水而致喘嗽凡熱疔以胡黃

連丸冷疔以木香丸冷熱疔以通神丸主之疔在外
耳鼻生瘡者以蘭香散諸瘡白粉散主之

銅壁山人曰凡治疔不必細分五疔但虛則補之熱則
清之冷則溫之吐則治吐利則治利積則治積蟲則
治蟲不出集聖丸一方加減用之屢試屢驗矧此方
收聚藥品極為工緻誠醫中之王道疔門之火棗也
業幼科者則亦當知其所自哉

生熟地黃丸 治肝疔白膜遮睛合面而卧肉色青黃

髮穗筋青腦熱羸瘦

生地黃

熟地黃

錢各五

川芎

赤茯苓

黃連 杏

仁 半夏

天麻

甘草

當歸

枳殼

炒

地骨皮

各二錢五分

右每三五錢薑三片黑豆二十粒水煎服

地黃丸

治腎疳極瘦遍身瘡疥發寒熱時頭熱脚冷

熟地黃

錢八

山藥

山茱萸

錢各四

澤瀉

牡丹皮

白

茯苓

錢各三

右為末蜜丸梧子大每服十五丸白湯下

又方 治全上

無山茱萸茯苓澤瀉加史君子川練子

茯苓丸

茯苓 蘆薈 琥珀 黃連 赤茯苓 各三錢 釣藤 鈎

遠志 薑煮 乾蟾 煨 麝香 少許 石菖蒲 各一錢

右粟米糊丸麻子大每一二十九薄荷湯下

神效換肌丸 治脾疳肌瘦潮熱盜汗飲食易傷臟腑

糟粕飲食不化頭大腹急

黃連

炒

鰲甲

炙醋

肉果

煨

訶肉

煨

五分二錢

麝香

一分

五厘

麥芽

炒

神麴

史君子肉

煨各五錢

右為末麵糊丸麻子大米飲下看大小服

靈脂丸 治脾疳食疳

白朮

麥芽

五靈脂

砂仁

蓬朮

煨

青皮

陳皮

史君子

各二錢

乾蟾

煨三錢

右為末米糊丸麻子大米湯下

清肺湯 治肺疳咳嗽氣逆多喘壯熱惡寒

桑白皮

蜜炒
五錢

紫蘇

前胡

黃芩

當歸

麥門冬

連翹

防風

桔梗

茯苓

生地

甘草

各二錢
五分

右每五錢水煎服

黃連肥兒丸 治一切疳及疳眼赤腫昏暗雀盲或經

月眼合不開

黃連

一兩

蕪荑

麥芽

神麴

各五錢

青皮

史君子肉

各二錢
五分

右各炒為末猪膽汁丸麻子大每十五丸米湯下

大蘆薈丸 治疳殺蟲和胃止瀉

胡黃連 黃連 白蘼蕪 蘆薈 木香 青皮

雷丸 白鶴虱 炒各五錢 麝香 二錢

右為末粟米飯丸萊菔大米飲下二三十丸

香寇丸 治疳瀉

黃連 薑汁炒三錢 肉果 煨 木香 訶肉 砂仁 茯苓

右為末飯丸麻子大每二三十丸米飲下

加味肥兒丸 治諸疳身黃肚急痞塊洩瀉瘦弱

胡黃連

史君子肉

三稜

義術

各煨

木香

香附

青皮

炒

陳皮

檳榔

麥芽

炒

神麴

各炒

一兩

川黃連

蘆薈

各五錢

右為末神麴糊為丸萊菔大米飲空心下三五十

丸小兒無熱去胡黃連泄瀉加人參茯苓肉果

加味胡黃連丸 治疳疾一切虛痢諸藥無功此方極

效

胡黃連 蘆薈 川黃連 肉果 桂心 人參

辰砂 史君子 木香 鈎藤 龍齒 茯苓

各等分

麝香

少許

右為末用獾猪膽汁二枚取汁和藥令勻却裝入
膽袋內以繩扎之更入良茗子二錢微炒黃丹一
錢二味研末入前藥和勻搗五百杵丸菴荳大米
飲吞下五七丸治一切十二種疔痢無辜疔亦佳

蚘蚘丸 治無辜諸疔一服虛熱退二服渴止三服瀉

利住

蟾蜍一隻打死置桶中取糞虫入桶一日一夜將虫
取起以布袋盛安急流水中一宿取出瓦上焙為末
入麝香一字飯為丸麻子大每三五七丸米飲下此
方極驗

木香丸 治疔痢冷熱不調五色雜下裏急後重

黃連

錢二

木香

厚朴

製

砂仁

夜明沙

訶肉

各一錢

右為末粳米飯丸麻子大每服二三十丸艾薑湯

下

十全丹 治丁奚哺露

青皮 陳皮 莪朮煨 川芎 五靈脂 白芷仁

檳榔 蘆薈錢各五 木香 史君子 乾蟾錢各二 灰

右為末猪膽汁浸糕糊丸麻子大每服二三十九
米飲下有熱薄荷湯下

五疳良方 治疳

黃連 蕪荑 神麴 麥芽 陳皮 木香 乾蟾

檳榔性各一兩 史君子性二枚 肉蓯蓉性二枚 麝香一分

右為末以猪膽汁二枚入好酒打糊為丸芥子大
米飲下二三十丸

天麻丸 治肝疳風疳瘡眼

青黛 黃連 天麻 五靈脂 川芎 夜明沙炒

盧薈各二錢 龍膽草 防風 蟬退各一錢五分去足 全蝎二錢

麝香一枚許 乾蟾頭錢二

右為末猪膽汁浸糕丸麻子大每二十九薄荷湯

下

地黃清肺飲 治肺熱疳蠱蝕為穿孔鼻或生瘰肉或

鼻生瘡

桑白皮

蜜炒
五錢

紫蘇

前胡

防風

赤茯苓

片苓

當歸

連翹

桔梗

天門冬

生地

甘草

各二錢

右水煎食後服次服化蠱丸

化蠱丸

蕪荑

蘆薈

青黛

川芎

蝦蟆灰

白芷

胡

黃連

各等分

右為末猪膽汁浸糕糊丸麻子大每服二三十丸
食後卧服以杏仁湯吞下其鼻常用熊膽泡湯小
筆蘸洗俟前藥各進數服却用青黛川歸赤小荳
瓜蒂地榆黃連蘆薈各等分雄黃少許為細末吹
入收功

下蟲丸

治疳蛔諸蟲

木香

薤仁

去皮尖

蕪荑

炒

檳榔

各一錢

鶴虱

炒一錢

輕粉

錢五 乾蟾灰

錢三

史君子肉

五十枚 煨

白苦楝根皮

酒浸 焙

貫衆

錢各二

右為末麵糊丸麻子大每三十九丸空心清肉汁下
治疳勞脊勞加川歸黃連各二錢五分

龍膽丸 治腦疳熱餅瘡

龍膽草 升麻 苦楝根皮 防風 赤茯苓 蘆

薈

油髮灰

錢各二

青黛

黃連

錢各三

右為末猪膽汁浸糕丸麻子大每二十九薄荷湯

下食後仍以蘆薈末吹入鼻中

鰲血煎 治疔勞

蕪荑

柴胡

川芎

各一兩

人參

五錢

胡連

川連

各二錢

史君子

二十一枚

右用鰲血一盞吳茱萸一兩拌二連淹一宿次早炒乾去茱萸只用二連俱為末粟米糊丸麻子大每二三十九白湯下

鰲甲丸 治無辜疔腹中毒起四肢瘦削

鰲甲

醋炙

黃連

枳殼

夜明沙

各炒五錢

訶肉

一枚一熟生一熟

麝

香二蝎虎

炙一錢

右為末蜜丸藁荳大每服五丸米湯下日三服

梅肉丸 治諸瘡煩渴飲水不休

定粉 龍膽草 烏梅肉 黃連

炒各等分

右煉蜜丸黍米大每二三十九白湯下

五疳消食丸 治五疳八痢殺腹臟蟲療疳勞及走馬

牙疳唇爛肚大青筋此藥大能健脾進食華顏色長

肌肉

麥芽 史君子 黃連 蕪荑 陳皮 龍膽草

各炒

各等

分

右為末粟米糊丸如粟米大每服二三十丸空心
米飲下不拘時

蘭香散 治小兒走馬疳牙齦潰爛以至崩破出血齒
落者

輕粉 蘭香子

各一錢

蜜陀僧

炒醋淬
五錢

右為末傅齒及齦立效

傅齒立效散

鴨嘴膽礬

匙上假紅一錢

麝香

少許

右研極細末以少許傅牙齒齦上

又方 用蟾酥一字加麝香傅之

地骨皮散 治腎疳齦腭牙齒肉腐臭鮮血常出

生乾地黄

五錢

真地骨皮

北細辛

各二錢半

五倍子

炒焦二錢

右為末每以少許傅之頻用效亦可服

大效史君檳榔丸

治嬰孩食肉太早損傷脾胃水穀

不分積滯不化傳為疳候

肉果

檳榔

生

宣連

胡連

陳皮

青皮

川棟

肉

炒

神麴

蕪荑

炒去皮

麥芽

炒

木香

夜明沙

炒

蘆

薈

川芎

各一錢

麝香

一字

右為末雄豬膽汁薄荷汁為丸麻子大每三五十

丸米飲下

肥肌丸

治一切疳氣肌瘦體弱神困乏力常服殺蟲

消痞開胃進食

黃連

香附

酒炒

陳皮

各二錢半

川楝子肉

炒

川芎

各五錢

木

香

二錢

右為末紅麴糊為丸麻子大每服三五十丸米飲

下

通神丸

治冷熱痞

胡連

川連

各二錢

木香

蕪荑

炒

丁香

肉果

生

史

君子肉

煨各一錢

大蟾蜍

一隻剉水煮爛研膏

右為末膏和丸麻子大每十五丸米飲下

取交妳一切瘡毒

夜明沙五錢精豬肉三兩碎切全入瓶水煮爛與兒食之汁亦飲之取下腹中胎毒次用生薑四兩和皮切炒黃色再用黃連一兩二味為細末煮麵糊為丸黍米大米飲下三五十丸

布袋丸 治諸瘡面黃腹大飲食不潤肌膚 此方予平日用加阿魏五錢極效

夜明沙 蕪荑 史君子肉 白朮 甘草 茯苓

各二兩

各炒

苓 人參 蘆薈

各五錢

右為末飭餅為丸彈子大每一丸以生絹袋盛用精猪肉二兩全入瓦甌煮極爛聽兒食肉飲汁其藥取起懸於風處次日再用

如聖丸 治冷熱疳瀉極神效

胡連 川連 蕪荑 史君子肉 麝香 蟾蜍

各一兩

五分

五隻酒 煮成膏

右為末以膏和為丸麻子大每服三十九人參湯

下

肉棗散 治肉疳而瘡侵入口鼻

棗肉二枚入青礬如核大火煨存性為末入麝香少

許香油調塗

煮肝散 治疳眼翳膜羞明不見物

夜明沙 蛤粉 穀精草

各一兩

右為末每服一錢五七歲二錢用雄豬肝如匙大

一塊批開摻藥在內攤勻麻扎定米泔水半碗煮
肝熟撈肝將汁傾在碗內將目薰之其肝分作三
次食之即將肝汁送下三次不拘時如大人雀目
空心食之至夜便能見物如患久不效再製服即
見效

黛連蘆薈丸

小兒食甘甜飲食則生蟲生疳以此

治之

胡連

蘆薈

川連

炒

史君子

各五錢

神麴

炒

一兩

阿魏

青黛

各一錢

麝香

少許

右為末糊丸黍米大米飲下

四味肥兒丸

治嘔吐不食腹脹成疳作瀉不止或食

積脾疳目生雲翳口舌生瘡牙齦腐爛發熱瘦怯遍
身生瘡小便澄白腹大青筋一切疳候

川連

蕪荑

神麴

麥芽

各等分

右為末糊丸桐子大每二三十九丸白湯下

銅壁山人黃公集聖丸

治一切疳症附加減法於後

屢試屢驗

卷二十六

蘆薈 五靈脂 夜明沙炒 砂仁 橘紅 木香

莪朮

煨

史君子肉

各二錢

川連

川芎

乾蟾

各三錢

當

歸 青皮

各一錢半

因於虛者加人參二錢白朮三錢

去莪朮青皮因於熱者加龍膽草三錢去砂仁莪朮

因於吐瀉下痢者加白朮二錢肉果煨訶肉各一錢

五分去青皮莪朮因於積痛者加煨三稜川棟子肉

小茴香各二錢去當歸川芎因於瘡者加鱉甲醋炙

三錢因於蟲者加白蕪荑一錢五分川棟子肉二錢
去當歸川芎因於渴者加人參白朮各二錢去莪朮
砂仁

右為細末用雄豬膽汁二個和麵糊為丸看大小
服米飲送下 予按此方乃十全丹去檳榔白芷
仁加黃連夜明沙砂仁尤為有理方名十全功收
十全也茲改集聖者集治疳之聖品也此方不熱
不寒補不致滯消不致耗至穩至妥故有屢試屢

驗之語云

又豬肝散 治疳積瘕而體羸弱不經下者用此補而
下之下後再以參苓白朮散之類調理

雄豬肝不見水者四兩用竹刀批開將新荷葉曬乾
為末二錢摻入肝內重湯煮熟以肝與兒食之空心
服至巳午時取下惡物從大便而出不動臟腑極佳
極佳

癰門

錢仲陽云凡治五癰皆隨臟治之每臟各有一獸之形証並用五色丸治之此治小病者發而重者死病甚者亦死若反折上竄其聲如犬症屬肝也目瞪吐舌其聲如羊症屬心也目直腹痛其聲如牛症屬脾也驚跳反折手縱其聲如雞症屬肺也肢體如尸口吐涎沫其聲如猪症屬腎也

生生子曰參前論雖以五獸配屬五臟亦是以意測之耳觀其並用五色丸槩治之且謂發重者及病甚者

皆死再無別治法豈謂一五色丸悉能之耶抑謂此
病為不治之症殆無可奈何耶將為畧之耶攷之上
古未有五獸之分惟朱丹溪乃曰癰症大率屬痰與
驚不必分五等尋火尋痰分多少而治無有不愈有
熱者以涼藥清其心有痰者可用吐法吐後以東垣
安神丸及平肝之藥青黛柴胡川芎之類丹溪此論
亦極當理

癰病與急慢多相似而實非癰發時驀然仆地作聲

作搐或目上視醒吐涎沫急慢症則不然也蓋驚發後即止癇發或一年一度或一季一度或一月一度或三五日再發或受驚而再發或勞心勞力而再發驚則無此之類也

癇有陰陽若病初作時先身熱開目瘈瘲驚啼叫喊而後發脉浮者為陽癇仆地多仰內在六腑外在皮膚故易治若病先身冷目半開不驚瘈不啼叫而作脉沉者為陰癇驀然墜伏此內在五臟骨髓故難治

夫陽癰不因吐下由其內有痰熱客於心胸之間因聞大驚而作若熱盛雖不聞驚亦自作也陰癰其始也亦本於痰熱醫以寒涼藥攻下太過損傷脾胃乃變而為陰非癰本有陰寒症也

戴原禮曰癰有五無非痰涎壅塞迷悶孔竅發則頭旋顛倒手足搐搦口眼相引胸背僵直叫吼吐沫食頃乃甦宜星香散加全蝎

孫李子朋來曰凡治驚風顛癰之症而辰砂雄黃金

箔水銀鉛粉等劑不可以久服也緣此皆治有餘之
症驚搐初發胃氣尚壯痰邪方盛非有慄悍踈利之
劑為之先鋒不可以祛去也稍久則不宜用蓋小兒
臟腑脆弱易致虛耳前劑皆傷脾者丹溪云氣虛之
人有痰胃氣亦賴所養卒不可便攻攻盡反易生而
多惟健脾胃以全運化之職則新痰不生無佐之以
消痰之劑則風自定故不專以鎮心攻痰為主且心
者一身之主神明出焉智慧之所由生也鎮心之劑

過多則神志奪而聰明室塞內經曰主不明則十二
官危余往往見多服驚風鎮心之藥者驚定之後痴
呆愚鈍寡言寡笑靈覺寂無惓然可憫詎思前藥之
所誤哉幼幼之心當知所慎

又有食癰原從飲食過傷而得後復傷飲食則發其
外症噯吐酸氣或大便餒臭治法先當吐其食俟定
後宜以下積藥看輕重下之積去則不復發

五色丸 又名五癰丸

硃砂

錢五

雄黃

珍珠

各一兩

右各為細末再以鉛二兩入銚鎔化投汞二錢五分攪硬研末和勻煉蜜為丸麻子大每服三四丸薄荷湯下

牛黃丸 治風癰因汗出解脫風邪乘虛迷悶搐掣涎潮屈指如筭數

膽星

全蝎

焙

蟬退

各二錢半

防風

白附子

天麻

麝香

殭蠶

炒

各一錢五分

右為末棗肉為丸水銀五分研細入藥丸如菴荳
大每服二丸荊芥生薑湯下

消風丸 治風癰先宜用此

膽星 羌活 獨活 防風 天麻 人參 荊芥

川芎 細辛

各一錢

右為末蜜丸梧子大每二丸薄荷紫蘇湯化下

比金丸 治驚癰先宜用此

人參 琥珀 茯苓 遠志

去心薑汁炒

硃砂

天麻

石菖蒲 川芎 南星 青黛

各一錢

麝香

右為末蜜丸梧子大每二九薄荷湯下

化風丹 涼風化痰退熱定搐

膽星 羌活 獨活 防風 天麻 人參 川芎

荊芥 粉草

各一錢 全蝎一枚

右為末蜜丸皂角子大每一九薄荷湯化下

妙聖丸 治食癰因驚而傷食吐乳發熱大便秘臭

代赭石

煅 醋 淬 二錢半

已霜雄黃

三錢

全蝎

辰砂

輕粉

麝香

錢各一

杏仁

錢炒二

右為末棗肉為丸梧子大每一二丸木賊湯下

斷癰丹 治癰瘡後復發症候多端連綿不止

黃芪

錢蜜炙

鈎藤

細辛

甘草

錢各五

蛇退

酒炙

蟬退

個四寸

黃芪

錢蜜炙

鈎藤

牛黃

錢一

右為末棗肉為丸麻子大人參湯下每服十數丸

看兒大小

茯神湯 治膽氣虛寒頭疼目眩心神恐懼不能獨處

或是驚癇

茯神

酸棗仁

炒

黃芪

栢子仁

白芍藥

炒

五味

子

各一兩

桂心

熟地

人參

炙甘草

各五錢

右每五錢水煎服

養心湯

治心血虛怯驚癇或驚悸怔忡盜汗無寐發

熱煩躁

黃芪

茯苓

茯神

半夏麴

當歸

川芎

官

桂

栢子仁

酸棗仁

五味子

人參

各三錢

炙甘

草一錢五分

右薑棗煎服

妙香散 治心氣不足驚癇或精神恍惚虛煩少寐盜汗等症

辰砂

三錢

麝香

一錢

木香

煨二錢半

茯苓

山藥

茯神

遠

志

黃芪

炒各一兩

桔梗

炙甘草

人參

各五錢

右為末每服一錢溫酒或白湯下

五癇丸得效方

露蜂房

焙

石綠

各一兩

桂心

遠志肉

人參

各五錢

硃

砂

錢一

右為末粥丸梧桐子大每二三十九白湯下

參星湯 治虛而癰久不愈者

人參

錢五

南星

炮一兩

右為末每服一錢看大小薑棗湯下日二次

銅壁山人治諸癰發歇無時

乾地龍

焙五錢

虎睛

對一

人參

天竺黃

代赭石

煨

醋

辰砂

鐵粉

錢各二
半

輕粉

分五

雄黃

錢一
分五

金銀箔

各三
十片

牛

黃

錢一

琥珀

錢三

膽星

遠志

石菖蒲

白附子

錢各三

錢

錢


錢

錢

殭蠶

錢一

右為末蒸餅糊為丸萊菔大菖蒲紫蘇湯下



赤水元珠卷二十六